

Protocol da la radunanza generala dals 27 november 2014, a las 20.30 i'l Restorant Chasa Veglia

Tractandas

1. salüd dal president e s-chüsas
2. tscherna scrutinadurs
3. prelecziun dal protocol da la radunanza generala 2013
4. rapport annual dal president
5. rapport da la chaschiera e dals revisurs da quint
6. rapports dal schef da pista, schef da turas, delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. tempaders
12. varia

1. salüd dal president e s-chüsas

A las 20.40 po il president Christian Poo salüdar a 30 commembers (inscrits illa glista da preschentscha). S-chüsets s'han il schef da pista Jon Buchli, Chasper Buchli, Georg Salomon, Curdin Preuss, Seraina Riatsch, Mario Riatsch, Ladina Guler, Noemi Thanei, Armon Nuotclà, Anna Filli, Maja Bischoff e Men Bischoff.

L'invid es gnü tramiss tenor statuts, uschè cha la radunanza es abla da trar decisiuns. La glista da tractandas vain approvada sainza müdamaints.

La radunanza s'adozza per ün minut da silenzi in memoria da Niculin Riatsch e Plasch Jann. Niculin es disgrazchè illa giuvn'età da 17 ons tras ün accidaint da lavur. Tina Weiss surdà a la famiglia Riatsch üna chandaila. La radunanza s'algorda eir da Jörg Kindschi chi nu d'eira commember da nos club, ma ha fat fich bler pella promoziun da sport da naiv in nossa region. El es disgrazchè in muntogna.

2. tscherna scrutinadurs

Sco dombravuschs vegnan elets Rico Zini e Corina Caviezel.

3. prelecziun dal protocol da la radunanza generala 2013

Il protocol da la radunanza generala 2013 es gnü tramiss insembel cul invid. El vain approvà cun applaus.

4. rapport annual dal president

Il president rapporta davart l'inviern passà cun plütöst paca naiv ma listess bunas relaziuns da naiv. El orientescha davart occurrenzas dal club d'ürant l'on scuors. I's tratta quia da la schliurada oura Vastur, da la cuorsa da passlung Martina – Scuol, da 2 gitas chi han pudü gnir realisadas, da la spassegiada da clergluna sü Niruns, dal Maraton da skis, da duos cuorsas d'uffants da la coppa BEST, da la Traversada dal Vnuost e la Stafetta tras Sent. El ingrazcha a tuot ils voluntaris chi'ns sustegnan adüna pro arrandschamaints, Ün ingrazchamaint special va eir als sponsurs chi'ns sustegnan adüna darcheu cun premis o oters sustegns.

5. rapport da la chaschiera e dals revisurs da quint

Quist on nu s'haja pudü serrar giò il quint cun ün guadogn. Il club ha fat ün deficit da 1621.35 fr. d'ürant l'on scuors e'l chapital agen importa uossa 23'629.70 fr. Quist deficit es d'attribuir ad üna

sortida extraordinaria per material da cuorsa da 1'374.- fr. e cuosts per üna masüraziun dal Cuvel da l'Iva per pudair til registrar i'l cudesch fundiari dad intuorn 800.- fr.

Il revisurs da quint Duri Valentin e Chasper Buchli han revis il quint. Quel vain fat bun cun dar discharg als organs responsabels.

6. rapports dal schef da pista, schef da turas, delegià Traversada e Stafetta tras Sent

Il president rapporta amo in nom dal schef da pista a regard las cuorsas dal club. Pervi da la trid'ora han las cuorsas alpinas stuvü gnir spostadas. I s'han partecipadas 25 personas al passlung, 21 al slalom e 29 al slalom gigantesc. La pista pellas proschas cuorsas dal club es reservada. Plünavant ingrazcha el pel sustegn chi s'ha per organisar quistas cuorsas.

Il schef da turas, Andri Poo po comunicar chi s'haja pudü far duos bellas turas d'ürant l'inviern passà. Seis böt füss chi's rivess dad organisar amo üna o tschella gita implü. I füss flot schi's gniss da motivar a novs commembers da's participar a quistas gitas. Davart datas da las gitas manzuna'l da consultar in prüma lingia la pagina d'internet. Las datas provisoricis sun publicadas sül plan da l'on.

Georg Buchli rapporta davart la Traversada dal Vnuost. Dal 2015 ha darcheu lö nossa Traversada, quista jada cul nouv (il quart) guardgiachamonna illa Heidelberger. El manzuna da s'annunzchar plü svelto pussibel. Il ultims ons nu s'haja plü pudü tour incunter tuot las annunzchas causa massa paca capacità illa chamonna Sesvenna. La Traversada ha lö als 4 lügl 2015.

Nataglia Caviezel rapporta per la prüma jada davart la Stafetta tras Sent. Ella ingrazcha ad Andri Gritti chi ha surdat ad ella tuot la documainta in ün fich bun uorden. 19 squadras as vaivan annunzchadas, a la fin s'han partecipadas 18 (90 curridurs). Davo la stafetta esa gnü guardà in sala da gymnastica il gö da las maestranzas mundialas da ballapè Frantscha – Svizra. La prosma stafetta varà lö in gün, la data vain fixada plü tard.

7. mutaziuns ed onurificaziuns

Sco novs commembers vegnan bivgnantadas las seguintas personas: Filipe Machado e Sousa, Braid Pinggera, Daniela Tschenett, Nataglia Caviezel, Marco Zini, Ladina Guler. Rita Nuotclà, Jon Fadri Jann, Jon Curdin Felix, Johannes Studer ed Andrea Boeck. Il novs commembers preschaints survegnan la medaglina da commember, a tschels vain quella lura surdatta plü tard.

Sortits sun: Natalie Schatz, Oliver Petry, Brigitte Erni, Cla Pult, Irene Roner, Mario Zanetti e Cla Neuhäusler.

Anna Filli, Gian Andrea Mayer e Fadri Stricker vegnan onurifichats sco commembers veterans cun quai ch'els fan part 25 ons al club da skis da Sent, Aita Dermont – Stupan e'l commember d'onur Cla Valentin fan part 40 ons al club da skis da Sent. Els dvaintan cun quai commembers libers e nun han plü da pagar la contribuziun annuala. Ad els pertocca sinceras gratulaziuns.

8. tschernas

Quist on vegnan fattas las tschernas la seguonda jada regularmaing tenor il novs statuts. Cun quai chi nu sun entradas ningünas demischiuns vegnan reelets il president, il schef da turas, la chaschiera e'ls revisurs da quint in globo cun applaus, e quai pella d'ürada da 2 ons. Il rest dals commembers dal comité vegnan lura elets dal 2015.

Uschè resta il comité precis listess sco fin qua:

president:	Christian Poo
actuar:	Mario Rauch
chaschiera:	Martina Weiss
schef da pista:	Jon Buchli
schef da turas:	Andri Poo
schef da material:	Plasch Caviezel
revisurs da quint:	Duri Valentin e Chasper Buchli

9. fixar contribuziun annuala

La contribuziun annuala vain fixada sün 25.- fr. per personas sainza commembranza da Swiss-Ski. Il commembers cun commembranza da Swiss-Ski pagan 50.- fr.

10. program da l'on

Il program da l'on es gnü protramiss. Las datas da la coppa da passlung RPN nu d'eiran amo cuntschaintas cur chi s'ha fat il program da l'on. Ellas sun però publicadas sùlla pagina d'internet da la classa da sport (www.sportklasse.ch).

11. tempaders

Gianna Bettina ed Andri Gritti han demischiunà sco tempaders, Cla Rauch vaiva fat quai fingià l'on passà. I gnissan tscherchats novs interessents per quista carica. Per quista stagiun d'inviern surpigliarà Tina Weiss per part quist'incumbenza. Andri Gritti sustegna però in cas da bsögn.

Tina Weiss surdà ün regal a Gianna Bettina ed Andri. Andri ha sustgnü al club d'ürant 25 ons sco tempader.

Varia

Davo la mort tragica da Jörg Kindschi s'haja provà da chattar üna soluziun per cuntinuar culla cuorsa tradiziunala da passlung da Martina a Scuol. Mario Rauch ha invidà a differents aderents dal passlung ad üna sezzüda ed i's po cuntinuar cun üna gruppa da lavur plü gronda chi d'eira fingià uossa activa cull'organisaziun da quista cuorsa. Sco nov president s'ha miss a diposiziun Arno Camenisch.

Il president manzuna davart discapits chi s'ha gnü cul arbiter da la cuorsa da la coppa BEST da l'on passà. Quist on vegnan darcheu organisadas duos da quistas cuorsas. Il club da skiunzs Lischana Scuol e Sent han decis da far quai amo üna jada, il club da Sent sustegna quai adonta chi nu dà plü ningüns curridurs alpins da nos club. Id es però gnü miss la cundiziun cha quai gnia fat be schi gnia tramiss ün oter arbiter.

In avegnir as lessa sustgnair daplü la disciplina passlung causa il grond interess dals giuvenils da nos club.

Il president ingrazcha a tuot quellas persunas chi s'ingaschan pel OJ da passlung Valsot e l'OJ alpin Motta Naluns. Dominique Benderer survegnan ün regal da recugnuschentscha sco manadra da l'OJ da passlung d'ürant l'inviern passà, Curdin Preuss e Marlies Zimmermann per lur ingaschamaint pel OJ alpin.

Pels curridurs chi fan regularmaing cuorsas, Arina Riatsch, Gian Fadri Linsel e Marco Zini vegnan surtuttas in avegnir sper las contribuziuns da 300 pella classa da sport e las licenzas eir amo la commemoranza da Swiss-ski. Uschè as poja gnir ün pa incunter als genituors chi han grondas spaisas in quist connex. Üna dumonda da sustegn d'eira gnüda fatta l'on passà da Seraina Riatsch in occasiun da la radunanza generala.

Il contrat da dret da fabrica dal Cuvel da l'Iva es uossa suottascrit. Sur inviern as spera da pudair far amo tscherchs sclerimaints ed eventualmaing alch transports da material. Uschè as spera cha da stà 2015 as possa metter ad ir ün pa quista chamonnina uschè ch'ella nu va in malura. In quist'occasiun manzuna Cla Sarott, chi stopchan esser avant man plans da fabrica e chi's dess ir in tschercha da quels. Sur dal tema da mantgnair nossa chamonna esa gnü discutà fingià avant blers ons.

Gian Caviezel intimescha als preschaints da s'annunchar pel турниr da ballarait chi ha lö als 13 e 14 december 2014. Quist турниr vain organisà pella 35avla jada, l'organisaziun han Claudio Melcher e sia persuna.

Tina Weiss surdà spontanmaing ün bel regal a seis trais collegas da suprastanza chi s'ingaschan in quista fingià daspö divers ons. La surpraisa es statta gronda, ingün nu savaiva da quista. Andri Poo (16 ons), Christian Poo e Mario Rauch (10 ons). Il revisur Duri Valentin es eir fingià 10 ons in uffizi.

A las 21.40 serra il president la radunanza.

L'actuar

Mario Rauch